



গণপ্রজাতন্ত্রী বাংলাদেশ সরকার

তথ্য অধিদফতর



PRESS INFORMATION DEPARTMENT. GOVERNMENT OF THE PEOPLE'S REPUBLIC OF BANGLADESH

তথ্যবিবরণী

নম্বর-২৮৬

প্রাইমারি পর্যায়ের এই টুর্নামেন্ট থেকে জাতীয় পর্যায়ের ভালো ভালো খেলোয়ার বেরিয়ে আসবে

- বিভাগীয় কমিশনার

রাজশাহী, ০৭ জ্যৈষ্ঠ (২১ মে):

বিভাগীয় কমিশনার ড. আ. ন. ম. বজলুর রশীদ বলেছেন, ফুটবল আমাদের প্রাণের খেলা। আমাদের দেশের সবচেয়ে জনপ্রিয় খেলা হচ্ছে ফুটবল। প্রাইমারি পর্যায়ে যে টুর্নামেন্ট অনুষ্ঠিত হয়েছে আমরা আশা করছি এখান থেকে জাতীয় পর্যায়ের ভালো ভালো খেলোয়াড় বেরিয়ে আসবে।

আজ বৃহস্পতিবার (২১ মে) সকালে রাজশাহী বিভাগীয় মহিলা ক্রীড়া কমপ্লেক্স মাঠে রাজশাহী বিভাগের আট জেলার বালক-বালিকা দুই গ্রুপের মোট ১৬টি দলের তিন দিনব্যাপী বিভাগীয় পর্যায়ে প্রাথমিক বিদ্যালয় গোল্ডকাপ ফুটবল টুর্নামেন্টের উদ্বোধন অনুষ্ঠানে প্রধান অতিথির বক্তৃতায় তিনি এসব কথা বলেন।

রাজশাহী বিভাগের বালক-বালিকা ফুটবলারদের শুভেচ্ছা জানিয়ে বিভাগীয় কমিশনার বলেন, শিক্ষক ও শিক্ষা অফিসাররা অক্লান্ত পরিশ্রমের মাধ্যমে ইউনিয়ন থেকে উপজেলা এবং জেলা পর্যায়ে থেকে এখন বিভাগীয় পর্যায়ে শ্রেষ্ঠ দল নির্বাচনের জন্য এখানে নিয়ে এসেছে। আজ শ্রেষ্ঠদের সাথে শ্রেষ্ঠদের লড়াই এটা আমরা উপভোগ করতে পারব। খেলাটা যেন আমরা খেলা হিসেবে নিতে পারি। এটা কোন সংঘর্ষ নয় বা প্রতিদ্বন্দ্বিতা নয় খেলা হলো কৌশলের।

তিনি বলেন, রাজশাহী বিভাগে অনেক জায়গাতে খুব ভালো ফুটবল খেলা হয় এবং ভালো খেলোয়াড় আছে। আজকের এই দিনে আমাদের প্রত্যাশা থাকবে এই টুর্নামেন্ট থেকে অনেক ভালো বালক-বালিকা খেলোয়াড় বেরিয়ে আসবে।

জাতীয় পর্যায়ে এই টুর্নামেন্টে রাজশাহী বিভাগ চ্যাম্পিয়ন হবে বলে এ সময় তিনি আশা প্রকাশ করেন।

অতিরিক্ত বিভাগীয় কমিশনার মো. রেজাউল আলম সরকারের সভাপতিত্বে অনুষ্ঠানে বিশেষ অতিথি হিসেবে উপস্থিত ছিলেন জেলা পরিষদের প্রশাসক বীর মুক্তিযোদ্ধা অ্যাডভোকেট মো. এরশাদ আলী ঈশা, আরএমপির অতিরিক্ত পুলিশ কমিশনার মো. আল মামুন, অতিরিক্ত পুলিশ সুপার হেলেনা আকতার এবং প্রাথমিক শিক্ষার বিভাগীয় উপপরিচালক নূর আখতার জান্নাতুল ফেরদৌস। এছাড়াও বিভিন্ন দপ্তরের শিক্ষা সংশ্লিষ্ট কর্মকর্তা-কর্মচারী, শিক্ষক-শিক্ষার্থী, সুধীজন এবং গণমাধ্যমকর্মীরা উপস্থিত ছিলেন।

.....

রুহুল/আতিক/হালিম/২০২৬/১৩.০০ঘ.